

五代史記注

五代史記卷第二十二

廬陵歐陽修撰

徐無黨原注

南昌彭元瑞注

劉鳳誥排次

梁臣傳第十

康懷英兗州人也事朱瑾爲牙將梁兵攻瑾瑾出略食
豐沛間畱懷英守城懷英卽以城降梁瑾遂奔于吳太
祖得懷英大喜五代史康懷英兗州人也本名懷貞避
末帝御名故改之始以驍勇事朱瑾爲
列校唐乾寧四年春太祖旣平鄆命葛從周乘勝急攻
兗州時朱瑾在豐沛間搜索糧餉畱懷英守其城及從
周軍至懷英聞鄆失守乃出降太祖後從氏叔琮攻趙
素聞其名得之甚喜尋署爲軍校

匡凝下鄧州梁兵攻李茂貞于岐以懷英爲先鋒至武

功擊殺岐兵萬餘人太祖喜曰邑名武功真武功也以

名馬賜之

五代史光化元年秋從氏叔琮伐襄漢懷英以一軍攻下鄧州三年從征河朔佐張存敬

敗燕軍于易水之上天復元年冬太祖率師迎昭宗于鳳翔時李茂貞遣大將符道昭領兵萬餘屯武功以拒

太祖命諸軍擊之以懷英爲前鋒領眾先登一鼓而大破之擄甲士六千餘人奪馬二千匹翌日太祖方至顯

左右曰邑名武功今首盪逆黨真武功也是時李周彝乃召懷英大加獎激仍以駿馬珍器賜之

以鄜坊兵救岐屯于三原懷英擊走之因取其翟州而

還五代史二年四月符道昭復領大軍屯于號縣之漢谷其建寨之所前臨巨澗後倚峻阜險不可升太祖

遣懷英提騎數千急擊之道昭以懷英兵寡有俯視之意乃率甲士萬人絕澗以挑戰懷英始以千騎夜門戰

酣發伏兵以擊之岐軍大敗秋八月鄜帥李周彝屯軍于三原以援鳳翔太祖命懷英討之周彝拔軍而遁追

至梨園因攻下翟州擒其守來獻

岐兵屯奉天懷英柵其東北夜半岐

兵攻之懷英以爲夜中不欲驚它軍獨以三千人出戰

遲明岐兵解去身被十餘創李茂貞與梁和昭宗還京

師賜懷英迎鑾毅勇功臣

五代史俄而岐軍屯奉天太祖令懷英寨于岐軍之東北

以備敵人一夕岐軍大至急攻其營懷英以夜中不可

驚動諸軍獨以二千餘人抗數萬之衆自乙夜至四鼓

身被十餘創岐軍不勝而退楊行密攻宿州太祖遣懷

昭宗還京賜迎鑾毅勇功臣

英擊走之表宿州刺史遷保義軍節度使

五代史是歲淮人聞青兗

之叛遣兵數萬以寇宿州太祖命懷英馳騎以救之淮

人遁去卽以懷英爲權知宿州刺史天祐三年冬佐劉

知俊破郃鳳之衆五萬于美原收五十餘寨乘勝引軍

攻下鄜州以功授陝州節度使太祖受禪加檢校太保

丁會以潞州叛梁降晉太祖命懷英爲招討使將行太

祖戒之語甚切懷英惶恐以謂潞州期必得乃築夾城

圍之晉遣周德威屯于亂柳數攻夾城懷英不敢出戰
太祖乃以李思安代懷英將降懷英爲都虞候久之思
安亦無功太祖大怒罷思安以同州劉知俊爲招討使
知俊未至軍太祖自至澤州爲懷英等軍援且督之已
而晉王李克用卒莊宗召周德威還太原太祖聞晉有
喪德威去亦歸洛陽而諸將亦少弛莊宗謂德威曰晉
之所以能敵梁而彼所憚者先王也今聞晉王之喪謂
我新立未能出兵其意必怠宜出其不意以擊之非徒
解圍亦足以定霸也乃與德威等疾馳六日至北黃碾
會天大昏霧伏兵三垂岡直趨夾城攻破之懷英大敗

亡大將三百人懷英以百騎遁歸詣闕請死太祖曰去
歲與兵太陰虧食占者以爲不利吾獨違之而致敗非
爾過也釋之以爲右衛上將軍五代史開平元年夏命將大軍以伐潞州將行
太祖謂懷英曰卿位居上將勇冠三軍向來破敵摧鋒
動無遺悔至于高爵重祿我亦無負于卿夫忠臣事君
有死無二韓信所謂漢王載我以車衣我以衣食我以
食食人之祿死人之憂我每思韓信此言真忠烈丈夫
耳如丁會受我待遇之恩不謂不至懷黃拖紫裂土分
茅設令木石偶人須感恩義一朝反噬倒戈授人苟有
天道明神安能容此大凡孤恩負理忠良不爲我今掃
境內委卿卿當勉思竭盡況晉人新得上黨眾心未叶
和以十萬之師一舉可克予當置酒高會望卿歌舞凱
旋懷英惶恐而退六月懷英領大軍至潞率眾晝夜攻
城半月之間機巧百變懷英懼太祖之言期于必取乃
築壘環城濬鑿池塹然而屢爲晉將周德威騎軍所撓
懷英不敢卽戰太祖乃以李思安代之降爲行營都虞
候夏五月晉王率蕃漢大軍攻下夾城懷英逃歸詣銀

臺門待罪太祖宥之改授右衛上將軍三年夏命爲侍衛諸軍都指揮使尋出爲陝州節度使兼西路行營副招討使劉知俊叛奔于岐以懷英爲保義軍節度使西路

副招討使知俊以岐兵圍靈武太祖遣懷英攻邠寧以

牽之懷英取寧慶衍三州還至昇平知俊掩擊之懷英

大敗

五代史及劉知俊奔鳳翔引岐軍以圍靈武太祖遣懷英率兵救之師次長城嶺爲知俊邀擊懷英

敗徙鎮感化其後朱友謙叛附于晉以懷英討之與晉

人戰白徑嶺懷英又大敗徙鎮永平卒于鎮

五代史四

州節度史乾化二年秋命爲河中行營都招討使與晉

軍戰于白徑嶺敗歸于陝末帝嗣位以岐軍屢犯秦雍

命懷英爲永平軍節度使大安尹

累加官至中書令貞明中卒于鎮

劉鄩密州安邱人也少事青州王敬武敬武卒子師範

立棣州刺史張蟾叛師範遣指揮使盧洪討蟾洪亦叛
師範僞爲好辭召洪洪至迎于郊外命鄆斬之坐上因
使鄆攻張蟾破之師範表鄆登州刺史以爲行軍司馬
五代史劉鄆密州安邱縣人也祖毅密州戶掾累贈左
散騎常侍父融安邱令累贈工部尚書鄆幼有大志好
兵畧涉獵史傳唐中和中事青州節度使王敬武爲小
校敬武卒三軍推其子師範爲酋後朝廷命崔安潛鎮
青州州人拒命棣州刺史張蟾將襲師範師範遣都指
揮使盧宏攻棣州宏反與蟾通僞旋軍以襲師範師範
知之設伏兵以迎宏旣而享之先誡鄆曰宏至卽斬之
鄆如約斬宏于座上同亂者皆誅之師範以鄆爲馬步
軍副都指揮使攻下棣州殺張蟾朝廷因授師範平盧
軍節度使光化初師範表鄆爲登州刺史歲餘移刺淄
州署行梁太祖西攻鳳翔師範乘梁虛因遣人分襲梁
軍司馬諸州縣它遣者謀多漏洩事不成獨鄆素好兵書有機

畧是時梁已破朱瑾等悉有兗鄆以葛從周爲兗州節度使從周將兵在外鄆乃使人負油鬻城中悉視城中虛實出入之所油者得羅城下水竇可入鄆乃以步兵五百從水竇入襲破之徙從周家屬外第親拜其母撫之甚有恩禮太祖已出昭宗于鳳翔引兵東還遣朱友寧攻師範從周攻鄆鄆以版輿置從周母城上母呼從周曰劉將軍待我甚厚無異于汝人臣各爲其主汝可察之從周爲之緩攻鄆乃悉簡婦人及民之老疾不足當敵者出之獨與少壯者同辛苦分衣食堅守以待外援久之外援不至人心頗離副使王彥溫踰城而奔守

陣者多逸鄆乃遣人陽語彥溫曰副使勿多以人出非
吾素遣者皆勿以行又下令城中曰吾遣從副使者得
出否者皆族城中皆惑奔者乃止已而梁兵聞之果疑
彥溫非實降者乃斬之城下由是城守益堅師範兵已
屈從周以禍福諭鄆鄆報曰俟吾主降卽以城還梁師
範敗降梁鄆乃亦降從周爲具齋裝送鄆歸梁鄆曰降
將蒙梁恩不誅幸矣敢乘馬而衣裘乎乃素服乘驢歸
梁太祖賜之冠帶飲之以酒鄆辭以量小太祖曰取充
州量何大乎以爲元從都押衙是時太祖已領四鎮四
鎮將吏皆功臣舊人鄆一旦以降將居其上及諸將見

鄆皆用軍禮鄆居自如太祖益奇之

五代史天復元年昭宗幸鳳翔太祖

率四鎮之師奉迎于岐下李茂貞與內官韓全誨矯詔

徵天下兵入援師範覽詔慷慨泣下遣腹心乘虛襲取

太祖管內州郡所在同日竊發其事多泄唯鄆以偏師

陷兖州遂據其郡初鄆遣細人詐爲鬻油者覘兖城內

虛實及出入之所視羅城下一水竇可以引衆而入遂

誌之鄆乃告師範請步兵五百宵自水竇銜枚而入一

夕而定軍城晏然市民無擾太祖命大將葛從周攻之

時從周爲節度使領兵在外州城爲鄆所據家屬悉在

城中鄆善撫其家移就外第供給有禮升堂拜從周之

母及從周攻城鄆以板輿請母登城母告從周曰劉將

軍待我甚至不異于兒新婦已下並不失所劉將軍與

爾各爲其主爾其察之從周獻欬而退鄆料簡城中老

疾及婦人浮食百姓不足與守者悉出之于外與將士

同甘苦分衣食以抗外軍賊兵禁暴居人泰然從周攻

圍旣久鄆無外援人情稍有去就之意一日節度副使

王彥溫踰城而奔守陴者從之而逸鄆之守兵禁之不

可鄆卽遣人從容告彥溫曰請副使少將人出非素遣

者請勿帶行又揚言于衆曰素遣從副使行者卽勿禁

者請勿帶行又揚言于衆曰素遣從副使行者卽勿禁

其擅去者族之守民聞之皆或奔逸者乃止外軍聞之
果疑彥溫有姦卽戮之于城下自是軍城遂固及王師
範兵力漸窘從周以禍福諭郭俾之革面郭報曰俟青
州本使歸降卽以城池還納天復三年十一月師範告
降且言先差行軍司馬劉郭領兵入兗州請釋其罪亦
以告郭郭卽出城聽命太祖嘉其節聚以爲有李英公
之風郭旣降從周具行裝服馬請郭歸大梁郭曰未受
梁王捨釋之旨乘肥衣裘非敢聞命卽素服跨驢而發
及將謁見太祖令賜冠帶郭曰纍囚負罪請就繫而入
太祖不許及見慰撫移時且飲之酒郭以量小告太祖
太祖曰取兗州量何大耶旋授元從都押牙太祖牙下
諸將皆四鎮舊人郭一旦以羈旅之臣驟居衆人之右
及與諸將相見並用階庭之禮太祖尤奇重之北夢
瑣言王師範之鎮青州以部將劉郭竊據兗州先是汴
將葛從周鎮于是邦因出征劉郭將圖兗也詐爲茶商
苞苴鎗甲大起店肆剖巨木藏兵仗而入竊發之日得
其徒千人據其府舍升堂拜從周之母仍以禮待其妻
子子弟職掌妻孥供億如常俄而從周攻其城梯輦雲
合郭以板輿請從周母登城諭從周曰劉將軍待我不
異於兒新婦已下並不失所從周城下獻欵卽退舍及

青州兵敗師範納款梁祖遣吏諭郭郭曰臣知王公修
好與梁國通盟但臣本受王公之命保有州城一旦見
其勢窮擅命不顧非盡心於所事也僕俟王公之命俛
首未晚至是師範諭之方以城歸梁祖多其義超擢非
次官至方鎮爲梁之名將金華子劉郭本事取驚王
氏既承昭皇密詔會諸道將伐朱氏乃遣郭倫取兗州
郭乃詐爲同圖軍將于兗州置邸院日雇傭夫數百潛
遣卒僞白衣逐晨就役夜卽畱寓于密室如是數月間
得敢死之士千餘人又于大竹內藏兵仗入監門皆不
畱意旣而迎曉突入州據其甲仗庫時兗州節度使姓
張統師伐河北郭旣入州據其甲仗庫時兗州節度使
手莫敢旅拒加以州將素無恩信于眾郭諭以將爲順
舉戢御嚴明雞犬無撓軍庶悅伏青州益師又至兼招
誘武勇不日眾逾數萬張氏家族在州供備逾於其舊
張帥有母郭每端簡候問備晨昏之敬加以容止重厚
見者畏而敬之俄而張帥聞變回帥圍城張母登陴呼
其子而語之曰吾今雖在城內與汝隔絕而劉司空晨
夕端笏問吾起居其餘驚雀莫敢喧雜汝切不可無禮
于他由是張頓兵緩攻青州聽命于梁圍解郭乃歸降
梁太祖得郭大喜累用征伐皆獲殊勳平魏府後遂爲

梁氏元帥威名顯于北朝矣 太祖卽位累遷左龍武統軍劉知俊叛

陷長安太祖遣鄆與牛存節討之知俊走鳳翔太祖乃

以長安爲永平軍拜鄆節度使五代史未幾表爲鄆州

寇其境鄆禦捍備至太祖以其地遠慮失鄆卽令棄郡

引軍屯于同州天祐二年二月授右金吾衛大將軍充

街使三年正月太祖授元帥之任以鄆爲元帥府都押

牙執金吾如故開平元年授右金吾上將軍充諸軍馬

步都指揮使其年秋與諸將征潞州遷檢校司徒三年

二月轉右威衛上將軍依前諸軍馬步都虞候五月改

左龍武統軍充侍衛親軍馬步軍都指揮使其年夏同

州劉知俊反引岐人入據長安分兵扼河潼太祖幸陝

命鄆西討卽奮取潼關擒知俊弟知浣以獻遂引兵收

復長安知俊棄郡奔鳳翔太祖以鄆爲佑國同州軍兩

使留後尋改佑國軍爲永平軍以鄆爲節度使檢校司

徒行大安尹金州管内觀察使是時西鄙未寧密邇寇

境鄆練兵撫衆獨當一面四年加檢校太保同平章事

庶人友珪篡位加檢校太傅乾化三年正月丁內艱友

珪命起末帝卽位領鎮南軍節度使爲開封尹五代史

復視事位九深倚重明年夏詔鄆歸闕授開封尹遙領鎮南軍

節度使旋屬晉人寇河朔鄆奉詔與魏博節度使楊師

厚禦之而退九月徐州節度使蔣殷據城叛時朝廷以

福王友璋鎮徐方殷不受代末帝遣鄆與鄆帥牛存節

率兵攻之殷求援于淮夷僞吳楊溥遣大將朱瑾領眾

赴援鄆逆擊破之貞明元年春城陷殷舉族自燔于火

中得其尸梟首以獻詔加檢校太尉楊師厚卒分相魏爲兩鎮末帝恐魏

兵亂遣鄆以兵屯于魏縣魏兵果亂劫賀德倫降晉莊

宗入魏鄆以謂晉兵悉從莊宗赴魏而太原可襲乃結

草爲人執以旗幟以驢負之往來城上而潛軍出黃澤

關襲太原晉兵望梁壘旗幟往來不知其去也以故不

追北夢瑣言後唐晉王之入魏博也梁將劉鄆先屯洹

水寂若無人因令覘之云城上有旂幟往來晉王曰

劉鄩多計未可輕進更令審探乃搏蕩爲人縛旗於上以驢負之循堞而行故旗幟嬰城不息問城中羸者曰軍已去二日矣果趨黃澤欲寇鄆至樂平遇雨不克進太原以霖潦不克進計謀如是而旋急趨臨清爭魏積粟而周德威已先至鄆乃屯于莘縣築甬道及河以饋軍久之末帝以書責鄆曰閭外之事全付將軍河朔諸州一旦淪沒今倉儲已竭飛輓不充將軍與國同心宜思良畫鄆報曰晉兵甚銳未可擊宜待之末帝復遣問鄆必勝之策鄆曰臣無奇計請人給米十斛米盡則敵破矣末帝大怒誚鄆曰將軍蓄米將療飢乎將破敵乎乃遣使者監督其軍鄆召諸將謀曰主上深居禁中與白面兒謀必敗人事今敵盛未

可輕動諸君以爲如何諸將皆欲戰鄆乃悉召諸將坐之軍門人以河水一杯飲之諸將莫測或飲或辭鄆曰一杯之難猶若此滔滔河流可盡乎諸將皆失色是時莊宗在魏數以勁兵壓鄆營鄆不肯出而末帝又數促鄆使出戰莊宗與諸將謀曰劉鄆學六韜喜以機變用兵本欲示弱以襲我今其見迫必求速戰乃聲言歸太原命符存審守魏陽爲西歸而潛兵貝州鄆果報末帝曰晉王西歸魏無備可擊乃以兵萬人攻魏城東莊宗自貝州返趨擊之鄆忽見晉軍驚曰晉王在此邪兵稍却追至故元城莊宗與符存審爲兩方陣夾之鄆爲圓

陣以禦晉人兵再合鄆大敗南奔自黎陽濟河保滑州

末帝以爲義成軍節度使

五代史三月魏楊師厚卒朝廷分相魏爲兩鎮遣鄆率大

軍屯南樂以討王鎔爲名旣而魏軍果亂因節度使賀德倫送欵于太原六月晉王入魏州鄆以精兵萬人自洹水移軍魏縣晉王來覘鄆設伏于河曲叢木間俟晉王至大譟而進圍之數匝殺獲甚衆晉王僅以身免是月鄆潛師由黃澤西趨太原將行慮爲晉軍所追乃結芻爲人縛旗于上以驢負之循堞而行數日晉人方覺軍至樂平會霖雨積旬師不克進鄆卽整衆而旋魏之臨清積粟之所鄆引軍將據之遇晉將周陽五自幽州率兵至鄆乃取貝州與晉軍遇于堂邑鄆邀擊却之追北五十餘里遂軍於莘縣增城壘浚池隍白莘及河築甬道以通餉路入月末帝賜鄆詔曰閩外之事全付將軍河朔諸州一旦淪沒勞師弊族忠難日滋退保河壖久無門志昨東面諸侯奏章來上皆言倉儲已竭飛輓不充于役之人每遭擒擄夙宵軫念惕懼盈懷將軍與國同休當思良畫如聞寇敵兵數不多宜設機權以時翦撲則予之負荷無累先人鄆奏曰臣受國深恩忝茲

聞政敢不枕戈假寐罄節輸忠昨者比欲西取太原斷其歸路然後東收鎮冀解彼連雞止于旬時再清河朔豈其天方稔亂國難未平纔出師徒積旬霖潦資糧殫竭軍士札瘥切慮蒼黃乖于統攝乃詢部伍皆欲旋歸凡次舍經行每張椅角又欲絕其餉道且據臨清纔及宗城周陽五奄至騎軍馳突變化如神臣遂領大軍保于莘縣深溝高壘享上訓兵日夜戒嚴伺其進取偵視營壘兵數極多樓煩之人皆能騎射最爲勦敵未可輕謀臣若苟得機宜焉敢坐滋患難臣心體國天鑒具明末帝又遣使問鄴決勝之策鄴曰臣無奇術但人給糧十斛盡則破敵末帝大怒讓鄴曰將軍蓄米將療飢耶將破賊耶乃遣中使督戰鄴集諸校而謀曰主上深居宮禁未曉兵機與白面兒共謀終敗人事大將出征君命有所不受臨機制變安可豫謀今揣敵人未可輕動諸君更籌之時諸將皆欲戰鄴默然他日復召諸將列坐軍門人具河水一器因命飲之眾未測其旨或飲或辭鄴曰一器而難若是滔滔河流可勝旣乎眾皆失色居數日鄴率萬餘人薄鎮定之營時鄴軍奄至上下騰亂殺獲甚眾少頃晉軍繼至乃退二年三月鄴自莘引軍襲魏州與晉王戰于故元城王師敗績鄴脫身南奔

自黎陽濟河至滑州尋授滑州節度使詔屯黎陽三年二月晉王悉眾來攻黎陽鄆拒之而退明年河朔皆入于晉降鄆亳州團練使兗州張萬進反拜鄆兗州安撫制置使萬進敗死乃拜鄆泰寧軍節度使朱友謙叛陷同州末帝以鄆爲河東道招討使行次陝州鄆爲書以招友謙友謙不報畱月餘待之尹皓段凝等素惡鄆乃譖之以爲鄆與友謙親家故其遲畱以養賊已而鄆兵數敗乃罷鄆歸洛陽酖殺之年六十四贈中書令

五代史及鄆歸闕再授開封尹領鎮南軍節度使其年河朔失守朝廷歸咎于鄆鄆亦不自安上表避位九月落平章事授亳州團練使屬淮人寇蔡頴亳三郡鄆奉命渡淮至霍邱大藏賊黨五年兗州節度使張萬進反北結晉人爲援末帝遣鄆攻之鄆爲兗州安撫制置使是冬萬進危感小將刑師遇曆應王師遂拔其城

梟萬進首以獻十一月制授秦寧軍節度使檢校太尉同平章事六年六月授河東道招討使與華州尹皓攻取同州先是河中朱友謙襲取同州以其子令德爲雷後表請旄鉞末帝怒命郭討之其年九月晉將李嗣昭率師來援戰于城下王師不利敗兵走河南橋梁陷溺死者甚眾郭以餘眾退保華州羅文寨先是郭與河中朱友謙爲婚家及王師西討行次陝州郭遣使賁檄與友謙諭以禍福大計誘令歸國友謙不從如是停畱月餘尹皓段凝輩素忌郭遂構其罪言郭逗畱養寇俾侯援兵末帝以爲然及兵敗詔歸洛河南尹張宗奭承朝廷密旨逼令飲酖而卒時年六十四子遂凝遂雍事唐詔贈中書令子遂凝遂雍別有傳

皆爲刺史郭妾王氏有美色郭卒後入明宗宮中是爲

王淑妃明宗晚年淑妃用事郭二子皆被恩寵

冊府元龜劉遂

凝爲隰州刺史長興四年遂凝至京帝問所陳密事奏曰臣所部與綏銀二州接壤二州漢戶約五千自聞國家攻討夏州皆藏竄山險請除二州刺史各與二三百人爲衛隊令其到郡招撫則不戰而下兩州矣帝問左

右其言何如范延光奏曰緩銀戶民朝廷常加撫育緣與部落雜處其心翻覆多端昨聞安從進初至蘆關蕃酋望風歸附尋加存撫各令放歸及上馬登山未行百步反襲從進騎從七十餘人幾至不濟奈何刺史牙隊一二百人制彼校虜適足爲虜嗤也況國家之患正在夏州緩銀自然景附如夏州未拔王師自當退舍何以能守緩銀遂疑之說非也遂疑不能對良久又奏曰臣聞李仁福有二子彛超乃次子也長子彛殷爲夏州雷後彛超徵詔赴闕則諸蕃歸心矣臣請以百騎自入夏州延光心知其不可以遂疑恃內助之恩恐并阻其謀別生怨望乃止翌日帝又謂延光曰遂疑之謀可乎延光奏曰王師進取之謀計度已定遂疑請立彛殷兼將百騎入夏州事固不可設令虜執吾使一遂疑不足惜所惜朝廷事體也臣等商量不許遂疑輕行乃止潞王從珂反于鳳翔時遂雍爲西京副留守畱守王思同帥諸鎮兵討鳳翔戰敗東歸遂雍閉門不納悉封府庫以待潞王潞王前軍至者悉以金帛給之潞王見遂

雍握手流涕由是事無大小皆與圖議廢帝入立拜遂
雍淄州刺史以鄆兄琪之子遂清代遂雍爲西京副畱
守遂清厯易棣等五州刺史皆有善政遷鳳州防禦使
宣徽北院使判三司晉開運中爲安州防禦使以卒遂
清性至孝居父喪哀毀鄉里稱之嘗爲淄州刺史迎其
母母及郊遂清爲母執轡行數十里州人咸以爲榮五代
史劉遂清字得一青州北海人梁開封尹鄆之猶子也
父琪以鴻臚卿致仕遂清少敏惠初事梁爲保鑾軍使
歷內諸司使莊宗入汴不改其職明宗卽位加檢校尚
書僕射委以西都監守踰歲以中山王都有不臣之迹
除遂清爲易州刺史俾遏其寇衝旣至郡大有禦侮之
畧境內賴焉王都平加檢校司空遷棣州刺史天成長
興中厯典淄興登三郡咸有善政高祖卽位之二年授
鳳州防禦使加檢校司徒會丁母憂起復授內客省使

右監門衛大將軍六年駕幸鄴都轉宣徽北院使兼判
三司加檢校太保七年少帝嗣位加右領軍衛上將軍
仍賜竭誠卬戴保節功臣八年出領鄭州加檢校太傅
開運二年遷安州防禦使未幾上表稱疾詔許就便迴
至上蔡終于郵舍時三年四月也遂清性至孝牧淄川
日自北海迎其母赴郡母既及境遂清奔馳路側控轡
行數十里父老觀者如堵當時榮之遂清素不知書但
多計畫判三司日每給百官俸料與判官議曰斯輩非
盡有才能多世祿之家宜澄其汚而畱其清者或對曰
昔唐朝渾郭顏段每一赦出一子出身率爲常制且
延賞垂裕爲國美談未有因月給而
欲沙汰恐未當也羣論由此減之

牛存節字贊正青州博昌人也初名禮事諸葛爽于河
陽爽卒存節顧其徒曰天下洶洶當得英雄事之乃率
其徒十餘人歸梁太祖存節爲人木彊忠謹太祖愛之
賜之名字以爲小校五代史牛存節字贊貞青州博昌人也本名禮太祖改而字之少以

雄勇自負唐乾符末鄉人諸葛爽爲河陽節度使存節往從之爽卒存節謂同輩曰天下洶洶當擇英主事之以圖富貴遂歸于太祖

張旺攻汴存節破其二寨梁攻濮州戰南

劉橋范縣存節功多

五代史初授宣義軍小將屬蔡冠至金隄驛犯酸棗靈昌存節日與

之門凡二十餘往每往必執俘而還前後斬首二十餘級獲孳畜甚眾太祖擊蔡賊于板橋赤垌酸棗門封禪寺枯河北存節皆預其行與諸將于濮州南

劉橋范縣大破鄆眾自此深爲太祖獎遇

李罕之圍

張全義于河陽全義乞兵于梁太祖以存節故事河陽

知其間道使以兵爲前鋒是時歲饑兵行乏食存節以

金帛就民易乾甚以食軍擊走罕之

五代史文德元年夏李罕之以并軍

圍張宗奭于河陽太祖遣存節率軍赴之屬歲歉餽餽不至村民有儲乾槩者存節以器用錢帛易之以給軍大敗賊于河

罕之引眾北走

太祖攻魏存節下魏黎陽臨河殺魏萬

二千人與太祖會內黃遷滑州牢牆遏後指揮使

五代史又

預討徐宿有功及討河北存節前鋒下黎陽收臨河至內黃西以兵千餘人當魏人萬二千衆大破其陣疆仆蔽野太祖深所歎激謂有神兵之助大順元年改滑州左右廂牢城使與諸將討時溥累破賊軍景福元年秋改遏後都指揮使攻濮之役領軍先登遂拔其壘二年四月下徐州梟時溥存節力戰其功居多乾寧二年授檢校工部尚書

梁兵攻鄆存節使都將王言藏船鄆西北隅濠

中期以日午度兵踰濠急攻之會營中火起鄆人登城

望火言伏不敢動與存節失期存節獨破鄆西甕城門

奪其濠橋梁兵得俱進遂破朱宣

五代史三年夏太祖東討鄆州存節領軍

次故樂亭扼其要路都指揮使龐師古屯馬頰存節密與都將王言謀入鄆壘十二月存節遣王言夜伏勇士于州西北以船踰濠舉梯登陴旣而王言不克入存節獨率伏軍負梯踵破其西甕城奪其濠橋諸軍俱進四

年四月陷其城尋與葛從周
降下兗州加檢校右僕射

從葛從周攻淮南從周敗

滑河存節收其散卒八千以歸拜亳州二州刺史朱瑾
走吳召吳兵攻徐宿存節謀曰淮兵必不先攻宿然宿
溝壘素固可以禦敵乃夜以兵急趣徐州比傳徐城下
瑾兵方至望其塵起驚曰梁兵已來何其速也不能攻
而去已而太祖使者至授存節軍機悉與存節意合由
是諸將益服其能

五代史其年秋大舉以伐淮南至濠

州東聞前軍失利于清口諸軍退至
滑河無復隊伍存節遏其後諸將釋騎步聞諸軍稍得
濟收合所部並敗兵共八千餘人至于淮陰時不食已
四日矣存節訓勵部分以禦追寇遂得旋師五年除毫
州刺史俄遷宣武軍都指揮使改宿州刺史明年淮賊
大至彭城存節乃以部下兵夜發直趨彭門
淮人訝其神速震恐而退諸軍服其智識

遷潞州都

指揮使太祖攻鳳翔使召存節存節爲將法令嚴整而
善得士心潞人送者皆號泣累拜邢州團練使元帥府
左都押衙五代史光化二年罷歸復爲左衛都將兼馬
步教練使天復元年授潞州馬步都指揮使
法令嚴整士庶安之及追赴行在士卒泣送者不絕于
道加金紫光祿大夫檢校司空改滑州左衛步軍指揮
使知邢州軍州事天祐元年授邢州團練使時州兵纔
及二百人晉人知之以大軍來寇太祖在鄴發長直兵
二千人赴援存節率壯健出門以家財賞激戰士并軍
急攻七日不能克而去太祖召至勞慰久之厚資金帛
鞍馬加檢校司徒冬罷軍署爲元帥府左都押衙太祖卽位拜右千牛衛上將
軍從康懷英攻潞州爲行營排陣使晉兵已破夾城存
節等以餘兵歸行至天井關聞晉兵攻澤州存節顧諸
將曰吾行雖不受命然澤州要害不可失也諸將皆不

欲救之存節戒士卒熟息已而謂曰事急不赴豈曰勇

乎舉策而先士卒隨之比至澤州州人已焚外城將降

晉聞存節至乃稍定存節入城助澤人守晉人穴地道

以攻之存節選勇士數十亦穴地以應之戰于隧中敵

不得入晉人解去

五代史四年太祖受禪除右千牛衛上將軍其秋攻潞州以存節爲行營

馬步軍都排陣使開平二年二月自右監門衛上將軍

轉右龍武統軍駐留洛下是歲王師敗于上黨晉人乘

勝進迫澤州州城將陷河南畱守張全義召存節謀遂

以本軍及右龍武羽林等軍往應接上黨師至天井關

存節謂諸將曰是行也雖不奉詔旨然要害之地不可

致失時晉人新勝其鋒甚盛存節引眾而前銜枚夜至

澤州適遇守陴者已縱火鼓譟以應外軍刺史保衙城

不知所爲存節纔入晉軍已至矣乃分布守禦晉軍四

面攻門開地道以入城存節亦以隧道應之逆戰于地

中晉軍不能進又以勁弩射之中者人馬皆洞經十三

日晉軍死傷者甚眾焚營而遷左龍虎統軍六軍都指
退郡以獲全太祖屢歎賞之

揮使絳州刺史遷鄜州畱後同州劉知俊叛奔鳳翔乃
遷存節匡國軍節度使友珪立朱友謙叛附于晉西連
鳳翔存節東西受敵同州水鹹而無井知俊叛梁以渴
不能守而走故友謙與岐兵合圍持久欲以渴疲之存
節禱而擇地鑿井八十水皆甘可食友謙卒不能下末
帝立加同中書門下平章事徙鎮天平蔣殷反徐州遣
存節攻破之以功加太尉

五代史五月遷左龍武統軍六軍馬步都指揮使十月授

絳州刺史三年四月除鄜州畱後六月劉知俊以同州
叛尋授同州畱後未幾加檢校太保同州節度使乾化
二年加檢校太傅進封開國公存節嚴戒軍旅常若敵
至先是州中井水鹹苦人不可飲及井人岐人來迫州

城咸以爲兵士渴乏陷在旦夕存節乃肅拜虔祝擇地
鑿十餘井其味皆甘淡由是人馬汲濯有餘衆以爲至
誠之感自八月至三年春末人馬未嘗釋甲以至寇退
尋加同平章事詔赴闕末帝召慰勉賞賜甚厚十一月
加開府儀同三司食邑一千戶授鄆州節度使四年加
淮南西北面行營招討使控扼淮濱邊境安之其冬蔣
殷據徐州逆命存節以大衆戍潁州得殷逆謀密以
上聞遠奉詔與劉鄩同討之頓于埭上淮賊朱瑾以兵
救殷距宿之兩舍聞存節兵大至卽梁晉相距于河上
委糧棄甲而遁竟平徐州詔加太尉梁晉相距于河上
存節病瘠而梁晉方苦戰存節忠憤彌激治軍督士未
嘗言病病革召歸京師將卒語其子知業曰忠孝吾子
也不及其佗贈太師五代史夏中病渴且瘠屬河北用
之勢存節忠憤彌篤未嘗言病料敵治戎旦夕愈厲病
革詔歸汶陽翌日而卒將終戒其子知業知讓等以忠
孝言不及他冊贈太師存節武驚慷慨有大節野戰壁
守皆其所長威名聞于境外深爲末帝所重而木強忠

厚有賈復之風焉。玉堂閒話梁牛存節鎮鄆州於子城西南角大興一第因板築穿得蛇一穴大小無數存節命殺之載於野外十數車載之方盡時

有人云此蛇藪也是歲存節疽背而薨

張歸霸清河人也末帝娶其女是爲德妃歸霸少與其

弟歸厚歸弁俱從黃巢巢敗東走歸霸弟兄乃降梁五代

史張歸霸字正臣清河人祖進言陽穀令父實亦有宦緒少倜儻好兵術唐乾符中寇盜蜂起歸霸率昆弟三人棄家投黃巢頗以勇畧聞巢陷長安遂署爲左番功臣中和中巢領徒走宛邱時太祖在汴奉詔南討巢黨日窘歸霸昆仲與葛從周李讜等相率來降尋補宣武軍副職

秦宗權攻汴歸霸戰數

有功張旺軍赤岡以騎兵挑戰矢中歸霸歸霸拔之反以射賊一發而斃奪其馬而歸太祖從高邱望見甚壯之賞以金帛并以其馬賜之使以弓手五百人伏湟中

太祖以騎數百爲遊兵過睢柵睢出兵追太祖歸霸發

伏殺睢兵千人奪馬數十匹

五代史光啓二年與蔡將張存戰于盧氏三年夏又

與蔡將盧瑋戰于雙邱復與秦宗賢戰于萬勝皆敗而
殲之翌日宗權遣將張睢來寇列寨于赤岡一日出騎
將較勝歸霸爲飛戈所中卽拔馬却逸控弦一發賊洞
頸而墜遂兼騎而還太祖時于高邱下瞰備見其狀面
加賞激厚以金帛及所獲馬錫之又嘗被命以控弦之
士五百人伏于壕內太祖統數百騎稍逼其寨蔡人果
以銳士摩壘來追歸霸發伏兵掩殺千餘人奪馬數十
匹尋奏授檢校左散騎常侍太祖攻蔡州

蔡將蕭顯急擊太祖營歸霸不暇請與徐懷玉分出東

南壁門合擊敗之太祖得拔營去

五代史其後從太祖伐鄆副李唐賓渡淮

咸著奇績文德初大軍臨蔡州賊將蕭顯來斫寨歸霸
與徐懷玉各以所領兵自東南二扉分出合勢殺賊蔡
人大敗及太祖整眾離營寇塵已息太祖召至賞之曰
昔耿弇不俟光武擊張步言不以賊遺君父弇之功爾

其二 太祖攻兗郛取曹州使歸霸以兵數千守之與朱

瑾逆戰金鄉大敗之又破濮州晉人攻魏歸霸從葛從

周救魏戰洹水歸霸擒克用子落落以與魏人又破劉

仁恭于內黃功出諸將右

五代史大順中郭紹賓拔曹州歸霸率兵數千守之俄而

朱瑾統大軍自至歸霸與丁會逆擊之于金鄉瑾大敗擒賊將宗江等七十餘人曹州以寧明年破濮州生擒刺史邵儒又佐葛從周與晉軍戰于洹水生獲克用愛子落落復與燕人戰于內黃殺仁恭兵三萬餘眾戎績超特居諸將之右累

光化二年權知邢州遷萊州刺史

官至檢校左僕射

拜左衛上將軍曹州刺史

五代史光化二年權知邢州事明年春李嗣昭以蕃漢五

萬來寇歸霸堅壁設備晉軍不敢顧其城遂移軍攻洺州陷焉時太祖在滑頗慮邢之失守及葛從周復洺嗣昭北遁歸霸出兵襲之殺二萬餘眾捷至賞錫殊等旋以功奏加檢校司空天祐初遷萊州刺史秩滿授左衛

上將軍又除曹州刺史其秋加檢校開平元年拜右龍
司徒副劉知俊禦邪鳳之寇敗之

虎統軍左驍衛上將軍二年拜河陽節度使以疾卒五代

史太祖受禪拜右龍虎統軍改左驍衛上將軍充河陽
諸軍都指揮使明年夏六月就除河陽節度使檢校太

保尋加同平章事二年秋子漢傑事末帝爲顯官以張
七月卒于位詔贈太傅

德妃故用事梁亡唐莊宗入汴遂族誅五代史梁末帝

霸女也末帝嗣位以歸霸子漢鼎漢傑并爲近職漢鼎

早亡漢傑貞明中爲控鶴指揮使領兵討惠王于陳州

擒之當貞明龍德之際漢傑昆仲分掌權要藩鎮除拜

多出其門段凝因之遂竊兵柄及莊宗入汴漢傑與兄

漢倫弟漢融同日弟歸厚通鑑考異崇文院有梁功臣

伏誅于汴橋下列傳不著撰人名氏云張歸

厚祖與父處讓歸厚中和末與伯季自冤句相率來投

薛居正五代史張歸霸祖進言父實歸厚傳無父祖但

云與兄歸霸來降据梁功臣傳字德坤爲將善用弓槊

父祖與歸霸不同當是從弟

能以少擊眾

五代史張歸厚山德坤少驍勇有機畧尤長于弓槊之用

太祖來降太祖署爲軍校時西兵力方壯太祖之師尙寡歸厚以少擊眾往無不捷張旺屯赤

岡歸厚與旺獨戰陣前旺憊而却諸將乘之旺遂大敗

太祖大悅以爲騎長

五代史光啓三年春與秦宗賢戰于萬勝大破之其夏蔡將張旺以

數萬眾屯于赤岡歸厚常與旺單騎鬥于陣旺不能支而奔師徒乘此大捷太祖大悅立署爲騎軍長仍以鞍馬器幣梁攻時溥歸厚以麾下先進九里山遇徐兵而

戰梁故將陳璠叛在徐歸厚望見識之瞋目大罵馳騎

直往取之矢中其左目

五代史及佐朱珍討時溥寨于豐蕭之間歸厚乘徐壘如行坦

途甚爲諸將歎伏龍紀初奏遷檢校工部尙書其年冬復伐徐歸厚以偏師徑進至九里山下與徐兵遇時我之叛將陳璠在賊陣中歸厚忽見之因瞋目大罵單馬直往期于必取會飛矢中左目而退徐戎甚眾莫敢追

之大順元年奏加檢校兵部尚書又命統親軍
邴王友裕攻鄆屯濮州太祖從
後至友裕徙柵與太祖相失太祖卒與鄆兵遇太祖登
高望之鄆兵纔千人太祖與歸厚以廳子軍直衝之戰
已合鄆兵大至歸厚度不能支以數十騎衛太祖先還
歸厚馬中矢僵乃持槊步鬪太祖還軍中遣張筠馳騎
第取之以爲必死矣歸厚體被十餘箭得筠馬乃歸太
祖見之泣曰爾在喪軍何足計乎使舁歸宣武

五代史是歲邴

王遷寨未知所往忽逢兗鄆賊寇甚衆太祖亟登道左
高阜以觀之命歸厚領所部廳子馬直突之出沒二十
餘合賊大敗將北而救軍雲至歸厚卽綴賊苦戰請太
祖以數十騎先還時歸厚所乘馬中流矢而踣乃持槊
步門漸退賊不敢逼太祖至寨亟命張筠劉儒飛騎來
迎然謂已歿矣歸厚體被二十餘箭尚復拒戰筠等旣

至賊解乃歸太祖見之撫背泣下曰得歸厚身全縱廣
喪戎馬何足計乎便令肩舁歸汴日降問資恩旨甚厚
尋遷中軍 遷右神武統軍厯洛晉絳三州刺史與晉人
指揮使

屢戰未嘗屈乾化元年拜鎮國軍節度使以疾卒子漢

卿五代史景福初從太祖伐鄆帝軍不利太祖爲寇所
廐而退歸厚殿馬翼衛左右馳射矢發如雨賊騎千百披
檢校右僕射其後討滄州復洛州咸以功聞太祖錄其
勳命權知洛州事是郡嘗雨爲晉人所陷并邑蕭條歸
厚撫之數月之內民庶翕然太祖自鎮定還觀其緝理
之政大喜賞之天復元年冬眞拜洛州刺史仍兼檢校左
僕射尋授絳州刺史三年秋改晉州刺史史加檢校司
空唐帝遷都洛陽除右神武統軍天祐二年改左羽林
統軍與徐懷玉同守澤州時晉軍五萬來攻郡中兵士
甚寡歸厚極力拒守并軍乃還太祖受禪加檢校司空
開平二年夏劉知俊以同州叛歸厚副楊師厚劉鄩等
討平之秋軍還授亳州團練使乾化元年拜鎮國軍節
度使陝虢等州觀察處置等使明年夏以疾卒于位詔

贈太師子漢卿歸弁爲將亦善戰開平初爲滑州長劍指揮使

子漢融梁亡皆族誅五代史張歸弁字從冕始與兄歸

時太祖初鎮宣武屢命歸弁結好于近境頗得行人之

儀乾寧中以偏師佐葛從周禦并軍于洹水光啓中又

佐張存敬與燕人戰于內黃積前後功表授檢校工部

尚書大順初攻討兗鄆命歸弁佐衡王友謙屯單父軍

聲甚振尋爲齊州指揮使屬青帥王師範叛遣將詐爲

賈人挽車數十乘匿兵器于其中將謀竊發歸弁察而

擒之州城以寧明年春青寇大舉來伐州兵旣寡民意

頗搖有本郡都將康文爽等三人欲謀外應卽時擒獲

誅之人心遂定歸弁又罄發私帑賞給士伍青人遂遁

青州平超加檢校右僕射遙領愛州刺史從征荆襄迴

轉檢校左僕射天祐三年春太祖入魏誅牙軍魏之郛

邑多叛歸弁與諸將等分布攻討封境悉平而歸弁于

高唐攻賊太猛飛矢中于臆太祖嘉之命賜鞍勒馬一

匹金帶一條夏五月命權知晉州冬十一月眞授晉州

刺史加檢校司空太祖受禪改滑州長劍指揮使開平

二年秋九月并軍圍平陽詔歸弁統兵救之軍至解其

圍加檢校司徒三年春三月寢疾卒于滑州之私第子漢融

王重師許州長社人也爲人沈嘿多智善劍槊秦宗權

陷許州重師脫身歸梁從太祖平蔡攻兗鄆爲拔山都

指揮使

五代史王重師潁州長社人也材力兼人沈嘿大度臨事有權變劍稍之妙冠絕于一時唐中

和末蔡寇陷許昌重師脫身而來太祖異其狀貌乃隸于拔山都每于軍前効用頗出儕類

重師苦

戰齊魯間威振鄰敵遷潁州刺史

五代史文德中令董左右長劍軍太祖伐

上蔡重師力戰有功及討兗鄆擢爲指揮使奏授檢校右僕射重師枕戈環甲五六年于齊魯間凡經百餘戰

由是威震敵人尋授檢校司空爲潁州刺史

太祖攻濮州已破濮人積草焚

之梁兵不得入是時重師方病金瘡臥帳中諸將彊之

重師遽起悉取軍中氈毯沃以水蒙之火上率精卒以

短兵突入梁兵隨之皆入遂取濮州重師身被八九創軍士負之而還太祖聞之驚曰奈何使我得濮州而失

重師乎使醫理之逾月乃愈

五代史乾寧中太祖攻濮州縱兵壞其墉濮人因屯

火塞其壞壘煙焰亘空人莫敢越重師方苦金瘡臥于軍次諸將或勉之乃躍起命壯士悉取軍中遺藥投于中擲于火上重師然後率精銳持短兵突入諸軍踵之濮州乃陷重師爲劍槊所傷身被八九創丁壯荷之還營且將斃矣太祖驚惜尤甚曰雖得濮壘而王師範降失重師奈何亟命以奇藥療之彌月始愈

表重師青州畱後累遷佑國軍節度使同中書門下平

章事居數年甚有威惠

五代史尋知平盧軍畱後加檢校司徒其後北伐幽滄鎮定屢

與晉軍接戰頗得士心故多勝捷天祐中授雍州重師節度使加同平章事數年治戎卹民頗有威惠

與劉捍故有隙捍嘗搆之太祖太祖疑之重師遣其將

張君練西攻邠鳳而不先請君練兵小敗太祖以其擅

發兵挫失國威將召而罪之遣劉捍代重師重師不知

太祖怒已捍至重師不出迎見之青門禮又倨捍因馳

白太祖言重師有二志太祖益怒貶重師溪州刺史再

貶崖州司戶參軍未行賜死

五代史開平中爲劉捍所構太祖深疑之然未有以

發其事無何擅遣裨將張君練縱兵深入邠鳳君練敗

北太祖聞之怒其事擅因追而斬之通鑑劉捍至長

安王重師不爲禮捍謂之帝曰重師潛與邠

岐通甲申貶溪州刺史尋賜自盡夷其族

徐懷玉亳州雋夷人也少事梁太祖與太祖俱起微賤

懷玉爲將以雄豪自任而勇于戰陣從太祖鎮宣武爲

永城鎮將

五代史徐懷玉本名琮亳州雋夷縣人少以雄傑自任隨太祖起兵唐中和末從至大梁

秦宗權攻梁壁金隄靈昌酸棗懷玉以輕騎連擊破之

俘殺五千餘人遷左長劔都虞候

五代史光啓初蔡冠屯金隄驛懷玉將輕

騎連破之由是累遷親從副將改左長劔都虞候

又破宗權于板橋赤岡拔其

八柵從太祖東攻兗鄆破徐宿懷玉金創被體戰必克

捷所得賞資往往以分士卒爲梁名將本名琮太祖賜

名懷玉

五代史又從破蔡賊于板橋收秦宗權入寨表加檢校右散騎常侍文德初同諸軍解河陽之

圍從破徐宿乾寧中奏加檢校刑部尚書太祖賜名懷玉從太祖攻魏敗魏兵黎陽

遂東攻兗破朱瑾于金鄉又從龐師古攻楊行密師古

敗清口懷玉獨完一軍行收散卒萬餘人以歸遷沂州

刺史屬歲屢豐乃繕兵治壁爲戰守具已而王師範叛

梁攻梁東境懷玉屢以州兵擊破之遷齊州防禦使

五代

史破朱瑾于金鄉南擒宗江以獻表授金紫光祿大夫檢校右僕射乾寧四年遷師古失利于清口懷玉獨完軍以退光化初轉滑州右都押牙兼右步軍指揮使俄奏授沂州刺史頃之王師範以青州叛屢出兵侵軼懷玉擊退之天復四年轉齊州防禦使加檢校司空天復四年以州兵西迎昭宗

都洛陽遷華州觀察畱後以兵屯雍州遷右羽林統軍

屯于澤州晉人攻之爲隧以入懷玉擊之隧中晉人乃

却五代史從大軍迎駕于岐下歸署華州觀察畱後一

州馬步都指揮使天祐三年授左羽林統軍轉右龍虎

統軍領六軍之上赴澤州尋爲晉軍所攻晝夜衝擊穴

地而入懷玉率親兵逆太祖時歷曹晉二州刺史晉數

殺于隧中晉軍遂退攻之懷玉堅守敗晉兵于洪洞拜保大軍節度使

五代史開

平元年授曹州刺史加檢校司徒明年除晉州刺史其
秋晉軍大至己乘其壙懷王選親兵五十餘人擁殺下
城晉軍既退出家財以賞戰士歲中晉軍又至懷王領
兵敗之于洪洞三年制授鄴坊節度使特進檢校太保
練兵繕壁人頗安
之加檢校太傅
襲鄴州執懷王殺之
五代史記卷第三十二 梁臣傳
立河中朱友謙拒命遣兵襲鄴州
懷王無備尋為河中所擒囚於公館及友珪遣康懷英
率師圍河中友謙慮懷王有變遂害之懷王材氣剛勇
臨陣未嘗折退平生金
瘡被體有戰將之名焉

五代史記卷第二十三

廬陵歐陽脩撰

徐無黨原注

南昌彭元瑞注

劉鳳誥排次

梁臣傳第十一

楊師厚潁州斤溝人也少事河陽李罕之罕之降晉選其麾下勁卒百人獻于晉王師厚在籍中師厚在晉無所知名後以罪奔于梁梁太祖以爲宣武軍押衙曹州刺史五代史楊師厚潁州斤溝人也爲李罕之部將以猛決聞尤善騎射及罕之敗退保澤州師厚與李鐸何細等來降太祖署爲忠武軍牙將繼歷軍職累遷檢校右僕射表授曹州刺史梁攻王師範師厚戰臨朐擒其偏將八十餘人取棣州以功拜齊州

刺史

五代史唐天復三年從太祖迎昭宗于岐下李茂

太祖遣師厚率兵東討時淮賊王景仁以眾二萬來援

師範師厚逆擊破之追至輔唐縣斬數百級授齊州刺

史將之任太祖急召見于鄆西境師厚率步騎屯于臨

胸而聲言欲東援密州畱輜重于臨胸師範果出兵來

擊師厚設伏于野追擊至聖王山殺萬餘眾擒都將八

十人未幾萊州刺史王師誨以兵救師範又大敗之自

是師範不敢復戰師厚移軍寨于城下師範力屈竟降

天復四年三月加檢校司徒徐州節度使天祐元年加

諸軍行營使太祖攻趙匡凝于襄陽遣師厚爲先鋒通鑑

步都指揮使太祖攻趙匡凝于襄陽遣師厚爲先鋒通鑑

考異編遺錄八月壬辰先抽武寧楊師厚是日到乃議

伐襄州帥趙匡凝乙未大發車徒委楊師厚總其軍政

乙亥上領親從步騎繼師厚取穀城西童山木爲浮橋

大軍之後是夜宿尉氏師厚取穀城西童山木爲浮橋

渡漢水擊匡凝敗之匡凝棄城走師厚進攻荆南又走

匡凝弟匡明功爲多拜山南東道節度使同中書門下

平章事

五代史二年八月太祖討趙匡凝于襄陽命師厚統前軍以進趙匡凝嚴兵以備師厚至殺城

西童山刊林造浮橋引軍過漢水一戰趙匡凝敗散攜

妻子沿漢遁去翌日表師厚爲山南東道節度留後卽

令南討荊州留後趙匡明亦棄軍上峽不浹旬併下兩

鎮乃正授襄州節度使先是漢南無羅城師厚始興板

築周十餘里郭郭完壯開平元年加檢校太傅劉知俊反攻陷

校太保同平章事明年又加檢校太傅劉知俊反攻陷

長安劉鄩牛存節等攻之久不克師厚以奇兵奔南山

入其西門降其守者遂克之晉周德威攻晉州以應知

俊師厚敗之于蒙坑以功遷保義軍節度使徙鎮宣義

五代史三年三月入朝詔兼潞州行營都招討使無何

劉知俊據同州叛師厚與劉鄩率軍西討至潼關擒知

俊弟知浣以獻知俊聞師厚至卽西走鳳翔師厚進攻

至長安時知俊已引岐寇據其城師厚以奇兵徇南山

急行自西門而入賊將王建驚愕不知所爲遽出降制

加師厚檢校太尉頃之晉王與周德威丁會符存審等

以大衆攻晉州甚急太祖遣師厚率兵援之軍至絳州晉軍扼蒙阮之險師厚整衆而前晉人乃徹圍而遁五代史纂誤今按唐本紀莊宗天祐六年劉知俊自梁來乞師王自將至陰地關遣周德威攻晉州敗梁軍于蒙阮此一事在梁臣傳則稱敗晉軍在唐紀則稱敗梁軍二者不同未知孰是通鑑考異實錄云殺戮生擒賊將蕭萬通等賊由是棄寨而遁莊宗實錄云汴軍至蒙阮周德威逆戰敗之斬首二百級師厚退保絳州是役也小將蕭萬通戰沒師厚進營平陽德威收軍而退二軍各言勝捷然旣殺蕭萬通師厚何肯退保絳州旣敗而退豈得復進營平陽德威旣戰勝安肯是時梁兵攻便收軍蓋晉軍實敗走莊宗實錄妄言耳

趙久無功太祖病臥洛陽少間乃自將北擊趙師厚從太祖至洹水夜行迷失道明旦次魏縣聞敵將至梁兵潰亂不可止久之無敵乃定已而太祖疾作乃還明年少間而晉軍攻燕燕王劉守光求援于梁太祖爲之擊

趙以牽晉屯于龍花遣師厚攻棗彊三日不能下太祖

怒自往督戰乃破屠之進圍蓆縣晉史建瑋以輕兵夜

擊梁軍梁軍大擾太祖與師厚皆棄輜重南走太祖還

東都師厚畱屯魏州

五代史四年二月移授陝州節度使五年正月王景仁敗于栢鄉晉

人乘勝圍邢州掠魏博南至黎陽師厚受詔以兵屯衛州晉軍攻魏州不克而退師厚追襲過漳河解邢州之

圍改授滑州節度使明年太祖北征令師厚以大軍攻棗彊逾旬不能克太祖屢加督責師厚晝夜奮擊乃破

之盡屠其城車駕還師厚屯魏州

明年太祖遇弒

五代史纂誤今按梁太祖本紀乾化二年

三月丙戌屠棗彊是年壬申即唐莊宗天祐九年也六月鄧王友珪反太祖崩同是一年之事此傳言明年誤

也案薛史無明年二字

友珪自立師厚乘間殺魏牙將潘晏臧延

範等逐出節度使羅周翰友珪因以師厚爲天雄軍節

度使

五代史及庶人友珪篡位魏州衙內都指揮使潘晏與大將臧延範趙訓謀變有密告者師厚布兵

擒捕斬之越二日又有指揮使趙賓夜率部軍環甲俟

旦爲亂師厚以牙兵圍捕賓不能起乃越城而遁師厚

遣騎追至肥鄉擒其黨百餘人歸斬于府門友珪卽以

師厚爲魏博節度使檢校侍中未幾鎮人晉人侵魏之

北鄙師厚率軍至唐店破之斬首五千級擒其都將三

十餘人通鑑考異梁功臣列傳楊師厚傳云太祖初

棄天下郡府乘間爲亂甚衆魏之衙內都指揮使潘晏

與大將臧延範趙訓將謀反變有密告者師厚布兵擒

捕斬之七月除自太祖與晉戰河北師厚嘗爲招討使

魏博節度使

悉領梁之勁兵太祖崩師厚逐其帥而稍矜倨難制故

時魏恃牙兵其帥得以倨彊羅紹威時牙兵盡死魏勢

孤始爲梁所制師厚已得志乃復置銀槍效節軍友珪

陰欲圖之召師厚入計事其吏田溫等勸師厚勿行師

厚

厚曰吾二十年不負朱家今若不行則見疑而生事然
吾知上爲人雖往無如我何也乃以勁兵二萬朝京師
畱其兵城外以十餘人自從入見友珪友珪益恐懼賜
與鉅萬而還

五代史是時師厚握河朔兵威望震主友珪患之詔師厚赴闕師厚乃率精甲萬人

至洛陽嚴兵于都外自以十餘人入謁友珪懼厚禮而遣之

已而末帝謀討友珪問

于趙巖巖曰此事成敗在招討楊公爾得其一言諭禁
軍吾事立辦末帝乃遣馬慎交陰見師厚布腹心師厚
猶豫未決謂其下曰方郢王弒逆時吾不能卽討今君
臣之分已定無故改圖人謂我何其下或曰友珪弒父
與君乃天下之惡均王仗大義以誅賊其事易成彼若

一朝破賊公將何以自處師厚大悟乃遣其將王舜賢

至洛陽見袁象先計事使朱漢賓以兵屯滑州爲應末

帝卒與象先殺友珪

五代史及末帝將圖友珪遣使謀于師厚深陳欵效且馳書于侍衛

軍使袁象先及主軍大將又遣都指揮使朱漢賓率兵至滑州以應禁旅末帝卽位封師厚

鄴王詔書不名事無巨細皆以諮之然心益忌而畏之

已而師厚瘍發卒末帝爲之受賀于宮中由是始分相

魏爲兩鎮魏軍亂以魏博降晉梁失河北自此始

五代史友

珪既誅末帝卽位于東京首封師厚爲鄴王加檢校太師中書令每下詔不名以官呼之事無巨細必先謀于

師厚師厚頗亦驕誕先是鎮人以我柏鄉不利之後屢擾邊境師厚總大軍直抵鎮州城下林盡間舍移軍掠

藁城束鹿至深州而歸乾化五年三月卒于鎮廢朝三日贈太師師厚純謹敏幹深爲太祖知遇委以重兵劇

鎮他莫能及然而末年矜功恃衆驟萌不軌之意于是
專割財賦置銀槍效節軍凡數千人皆選摘驍銳縱恣
崇養復故時牙軍之態時人病之承前河朔之俗上元
比屋夜遊及師厚作鎮乃課魏人戶立鉦竿千鈺萬炬
洞照一城縱士女嬉遊復彩畫舫舫令女妓懼歌于御
河縱酒彌日又于黎陽採巨石將紀德政以鐵車負載
驅牛數百以拽之所至之處邱墓廬舍悉皆毀壞百姓
望之皆曰碑來及碑石纔至而師厚卒魏人以爲悲來
之應末帝聞其卒也于私庭受賀乃議裂魏州爲兩鎮
既而所樹親軍果爲叛亂以招外寇致使河朔淪陷宗
社覆滅由師厚兆之也清異錄槍材難得十全魏州
石屋林多有之楊師厚時銀槍效節都皆采于此團典
所用多是絕品金龍筋餘軍不過四五等托地仙長腰
奴范陽嬌金梢裊兒是也更有風火枝聖誕頗曲弱軍
取中不

王景仁廬州合淝人也初名茂章少事楊行密起淮南
景仁爲將驍勇剛悍質略無威儀臨敵務以身先士卒

行密壯之

五代史王景仁廬州合淝人材質魁偉性暴率無威儀善用槩頗推驍悍在淮南累職爲

都指

揮使梁太祖遣子友寧攻王師範于青州師範乞兵于

行密行密遣景仁以步騎七千救師範師範以兵背城

爲兩柵友寧夜擊其一柵柵中告急趣景仁出戰景仁

按兵不動友寧已破一柵連戰不已遲明景仁度友寧

兵已困乃出戰大敗之遂斬友寧以其首報行密是時

梁太祖方攻鄆州聞子友寧死

五代史纂誤今按家人傳友寧乃梁祖兄存之

子其後中書上議亦皆謂之以兵二十萬倍道而至景

皇姪今此乃以子名之誤也仁閉壘示怯伺梁兵怠毀柵而出驅馳疾戰戰酣退坐

召諸將飲酒已而復戰太祖登高望見之得青州降人

問飲酒者爲誰曰王茂章也太祖歎曰使吾得此人爲
將天下不足平也梁兵又敗景仁軍還梁兵急追之景
仁度不可走遣裨將李虔裕以衆一旅設覆于山下以
待之畱軍不行解鞍而寢虔裕疾呼曰追兵至矣宜速
走虔裕以死過之景仁曰吾亦戰于此也虔裕三請景
仁乃行而虔裕卒戰死九國志朱虔裕潁川人少多力
善戰初爲義興令行密借其材
召居帳下常率衆居前從王茂章援青州去爲軍鋒歸
則殿後我軍背嶮虔裕以五百人當之追兵大至茂章
亦畱解鞍而寢虔裕促茂章亟去自與梁人戰殺傷無
數日暮兵盡被擒士卒無求生者以故我軍行遠追兵
不能及梁人執虔裕見太祖太祖壯其事欲釋之虔裕
請死不得瞋目大罵被害行密厚恤其家後數年嫁其
妻詰旦行矣其妻沐浴禱之曰王愍我窮獨恐終不能
自存當嫁我於某氏嗟乎今日猶君之妻明日他適矣

君忠烈如是歿豈無神遂棄我耶
是夜無疾而卒夫忠婦義如此 梁兵以故不能及而

景仁得全軍以歸景仁事行密爲潤州團練使行密死
子渥自宣州入立以景仁代守宣州渥已立反求宣州
故時物景仁惜不與渥怒以兵攻之景仁奔于錢鏐鏐
表景仁領宣州節度使梁太祖素識景仁乃遣人召之
景仁間道歸梁仍以爲寧國軍節度使加同中書門下

平章事久之未有以用使參宰相班奉朝請而已

五代史揭

行密僞署宣州節度使行密死子渥自立忌其勇悍且
有私憾欲害之景仁棄宛陵以腹心百人歸吳越王錢
鏐鏐辟爲兩府行軍司馬具以狀聞太祖復命遙領宣
州節度使檢校太傅同平章事鏐以淮寇終爲巨患欲
速平之命景仁奉表至闕面陳水陸之計請合禁旅太
祖異禮待之頒賜殊厚額曰待我平代北寇當盡以王

師付汝南討于是雷開平四年以景仁爲北面招討使
京師每預丞相行列

將韓勅李思安等兵伐趙行至魏州司天監言太陰虧
不利行師太祖亟召景仁等還已而復遣之景仁已去
太祖思術者言馳使者止景仁于魏以待景仁已過邢
洛使者及之景仁不奉詔進營于栢鄉乾化元年正月
庚寅日有食之崇政使敬翔白太祖曰兵可憂矣太祖
爲之盱食是日景仁及晉人戰大敗于栢鄉

五代史纂
誤今按梁

太祖紀云乾化元年春正月丁亥王景仁及晉人戰于
栢鄉敗績又司天考云乾化元年春正月丙戌朔日有
食之然則史之所紀者二事日食與戰敗也今司天考
則云正月丙戌朔日食本紀則書正月丁亥戰敗而景
仁傳則書正月庚寅日食是日戰敗三者所書皆不同
未知何者爲是再其間丙戌庚寅相距五日而皆日食

此爲甚誤也

景仁歸訴于太祖太祖曰吾亦知之蓋韓勅李

思安輕汝爲客而不從節度爾乃罷景仁就第後數月

悉復其官爵

五代史劉知俊之叛也從駕至陝始佐楊師厚西入關兵未交知俊棄馮翊走進克

雍華降王建

張君練頗預戰有功太祖嘉之時鎮定作

逆朋附沙陀

遂擢爲上將付步騎十萬爲北面行營都

招討使開平

二年正月二日與晉軍戰于栢鄉王師敗

績太祖怒甚拘之私第然以兩浙元勳所薦且欲收其

後效止落平章事罷兵

柄而已數月復其官爵

末帝立以景仁爲淮南招討使

使攻廬壽軍過獨山山有楊行密祠景仁再拜號泣而

去戰于霍山梁兵敗走

五代史纂誤今按楊隆演世家乃是徐溫與景仁戰于霍山

霍山

也景仁殿而力戰以故梁兵不甚敗景仁歸京師病

疽卒贈太尉

五代史末帝卽位復用爲南面行營招討應接使以兵萬餘人伐壽州至霍邱接戰

擒賊將袁萊王彥威王璠等送京師俄而朱瑾以大軍至景仁力戰不屈常以數騎身先奮擊寇不敢逼乃引兵還及濟淮復爲殿軍故不甚劬瑾亦不敢北渡及歸病疽而卒詔贈太尉九國志朱景壽陽霍邱人少豪猾驍壯有膽略爲邑中所服行密得淮南以霍邱地界南北盜賊交會難可防限聞景之勇爲遠近所畏故以委之且伺北鄙之奔突景招合無賴年少得絕技者百餘人撫禦之畫與捕獵暮分巡警月餘而材伎彊力無有及景者以是服從如一沿淮羣盜莫敢犯之梁祖聞其名命寇彥卿率勁騎三千襲霍邱圖取景且諭梁祖之意令降景率其徒戰于邱墟林澤中射死者無數彥卿兵折力殫而去康懷貞之至後爲景所困王茂章來寇度淮水可涉處立表議之景易置于深潭水中立表浮木之上茂章軍敗望表而涉溺死者大半積其尸爲京觀後破李進金何輯步騎數千尋拜滁州刺史移光州刺史卒於任

賀瓌字光遠濮州人也事鄆州朱宣爲都指揮使

五代史賀

瓌字光遠濮陽人也曾祖延以瓌貴贈左監門上將軍祖華贈左散騎常侍父仲元贈刑部尙書瓌少倜儻負

雄勇之志遇世亂入軍朱宣爲濮州刺史兼鄆州馬步軍都指揮使拔爲小將唐光啓初鄆州三軍推宣爲留後以環爲馬步軍都指揮使表授檢校工部尚書

梁太祖攻朱瑾于兗州宣遣

環與何懷寶柳存等以兵萬人救兗州環趨待賓館欲

絕梁餉道梁太祖略地至中都得降卒言環等兵趨待

賓矣以六壬占之得斬關

原注卦名

以爲吉乃選精兵夜疾

馳百里期先至待賓以逆環而夜黑兵失道旦至鉅野

東遇環兵擊之環等大敗環走梁兵急追之環顧路窮

登塚上大呼曰我賀環也可勿殺我太祖馳騎取之并

取懷寶等數十人降其卒三千餘人是日大風揚沙蔽

天太祖曰天怒我殺人少邪卽盡殺降卒三千人而繫

瓌及懷寶等至兗城下以招瑾瑾不納因斬懷寶等十

餘人而獨畱瓌瓌感太祖不殺誓以身自效五代史及

構瓌受宣命數領軍于境上乾寧二年十月太祖親

征兗鄆十一月宣遣瓌與太原將何懷寶率兵萬餘人

以援朱瑾師次待賓館斷我糧運太祖偵知之自中都

引軍夜馳百餘里遲明至鉅野東與瓌等接戰兗人大

敗瓌竄于棘塚之上大呼曰我是鄆州都將賀瓌願就

擒幸勿傷也太祖聞之馳騎至塚前遂擒之并獲何懷

寶及將吏數十人徇于兗壁之下悉命戮之唯畱瓌一

人釋縛寘之麾下尋署爲教練使奏授檢校左僕射瓌

感太祖全宥之恩從太祖平青州以爲曹州刺史太祖

私誓以身報國

卽位累遷相州刺史五代史天復中預平青州王師範

使加檢校司空天祐二年與楊師厚從太祖平荆襄授

荆南兩使畱後未幾徵還爲行營左廂步軍都指揮使

開平二年十月授左龍虎軍馬步都指揮使十二月改

左衛上將軍充六軍馬步都虞候三年五月轉右龍虎

統軍未幾加檢校司徒邢州團練使四年二月改澤州刺史充昭義軍節度留後檢校太保進封開國侯乾化二年七月授相州刺史史尋加檢校太傅末帝時遷左龍虎統軍宣義軍節

度使貞明元年魏兵亂賀德倫降晉晉王入魏州劉鄩敗于故元城走黎陽貝衛洺磁諸州皆入于晉晉軍取楊劉末帝乃以瓌爲招討使與謝彥章等屯于行臺晉軍迫瓌十里而柵相持百餘日瓌與彥章有隙伏甲殺之莊宗喜曰將帥不和梁亡無日矣乃令軍中歸其老疾于鄴以輕兵襲濮州瓌自行臺躡之戰于胡柳陂晉人輜重在陣西瓌軍薄之晉軍亂斬其將周德威盡取其輜重瓌軍已勝陣無石山日暮晉兵仰攻之瓌軍下

山擊晉軍瓌大敗晉遂取濮州城德勝夾河爲柵瓌以

舟兵攻南柵不能得還軍行臺以疾卒年六十二贈侍

中有子光圖

原注凡言有子某者皆仕皇朝有閩代史有頃轉左龍虎統軍貞明二年慶州

叛爲李繼陟所據瓌以本官充西面行營馬步軍都指揮使兼諸軍都虞候與張筠破涇鳳之衆三萬下寧衍

二州三年秋慶州平十二月瓌以功授滑州宣義軍節度使依前檢校太傅加同平章事尋授北面行營招討

使四年春晉人取楊劉城據之八月瓌與許州節度使謝彥章領大軍營于濮州之行臺村對壘數月一日晉

王以輕騎挑戰瓌與彥章發伏兵奮擊晉王僅以身免先是瓌與彥章不協是歲冬十二月復爲諸軍都虞候

朱珪所構瓌乃伏甲士殺彥章及濮州刺史孟審澄別將侯溫裕等于軍以謀叛聞是月瓌與晉人大戰于胡

柳陂晉人敗績臨陣斬晉將周陽五旣晡瓌軍亦敗五年春正月晉人城德勝夾河爲柵四月瓌率大軍攻其

南柵以艤艦戰艦阨其中流晉人斷我艤艦濟軍以援南柵瓌退軍于行臺尋以疾卒時年六十二詔贈侍中

長子光圖仕後唐爲供奉官 玉堂閒話梁朝與河北
相持之時有偏將侯溫者軍中號爲驍勇賀瓌爲統率
專制忌前以事害之其後瓌寢疾彌留之際左右只聞
公呼侯九者數日頗有所請之詞深自刻責有侍者見
一丈夫自壁間出曳瓌於地侍者驚呼左右俱至瓌已
死矣昔漢竇嬰灌夫爲武安侯田蚡所構而死及蚡疾
巫者視鬼見竇灌夾而
笞之蚡竟卒事相類耳

王檀字眾美京兆人也少事梁太祖爲小校

五代史王檀字眾美

京兆人也曾祖泚唐左金吾衛將軍隴州防禦使祖曜
定難功臣渭橋鎮遏使父環鴻臚卿以檀貴累贈左僕
射檀少英悟美形儀好讀兵書洞曉韜略唐中和中
太祖鎮大梁檀爲小將 尚讓攻梁戰尉

氏門檀勇出諸將太祖奇之遷踏白副指揮使

五代史四年

將楊彥洪破巢將尚讓李讓于尉氏門外檀在戰中催
鋒陷陣遂爲太祖所知稍蒙擢用預破蔡賊于斤溝泚
河八角遷踏 從朱珍募兵東方戰數有功
五代史光啓二年從胡真

白都副將

擊淮西之眾解河陽之圍蔡賊張存敢乘亂據洛陽檀
與勇士數十人潛入賊柵邀其輜重存敢遁走胡真至
陝州開通貢路遣檀攻玉山寨降賊帥石令殷從擊秦
宗賢于鄭州西北河灘之上于太祖馬前射賊將孫安
應弦而斃三年佐都指揮使朱珍敗徐梁與蔡兵戰板
戎于孫師陂獲其將孫用和束詡以獻

橋李重裔馬踣爲蔡兵所擒檀馳取之并獲其將一人

五代史從擊蔡賊于板橋偏將李重允追賊
馬躡爲蔡人所擒檀奪取而旋獲賊將薛注從太祖破

魏內黃遷衝山都虞候五代史太祖破朱瑾于劉橋檀盡收其軍實文德元年三月討

羅宏信敗魏人于內黃檀獲其將復從朱珍攻徐州檀周儒邵神劍以歸補衝山都虞候

獲其將一人五代史是歲與諸軍平蔡州明年佐朱珍大破時溥之眾檀獲賊將何肱改左踏白

馬軍副將梁兵攻王師範檀以一軍破其密州拜密州刺史

五代史預征兗鄆累立戰功大順元年從龐師古渡淮
深入討孫儒之亂奪邵伯堰破高郵軍檀奮命擊賊刃

傷左臂未幾遷順義都將天復中從太祖率四鎮之師
圍鳳翔以迎昭宗屢立戎効遷左蹈白指揮使從攻王
師範于青州檀以偏師收復密郡遂權知軍州事充本
州馬步軍都指揮使尋表授檢校右僕射守密州刺史
郡接淮戎舊無壁壘乃率夫脩築羅太祖卽位遷保義
城六旬而畢居民賴之加檢校司空
軍節度使潞州東北面招討使王景仁敗于柏鄉晉兵
圍邢州太祖大懼欲自將救之檀止太祖請自拒敵力
戰卒全邢州冊府元龜莊宗初爲晉王天祐八年正月
南伐至邢州遣李存璋治械攻城時梁將
王檀爲邢帥乃約矢飛書諭以禍福曰天維助順神亦
害盈有道卽興無道卽滅昔漢朝中否俄成王莽之妖
晉祚中微復起桓元之禍莫不因緣多難構合異圖謂
天地可以心欺謂帝王可以力取殊不知雪霜之後寒
松驗貞翠之姿喪亂之期義士見忠勤之節是故南陽
宗室京口英雄皆懷仗順之謀悉建平勳之策逆溫崔
蒲餘孽畝畝微民因黃巢將敗之秋于白水喪師之後
自知勢蹙遂乃向明聖朝以方切招懷顯行恩渥使從

賊將委以齋壇錫全忠之嘉名居夷門之重地爾後連
侵四鎮累擁雙旌非聖朝恩澤不深非聖朝有負此賊
而乃結連姦逆攻逼河岐謀害近臣劫遷鑾輅終成大
逆遂弑昭皇殺戮宗枝逼辱妃后萬民相顧而抆淚百
辟飲恨以吞聲以致神堯萬代之基陷入碭山豎子之
手人祇痛憤天地慘傷况復自僭逆以來猜狂愈甚忌
勲舊則殺傷已盡貪財貨則溪壑難盈氏叔琮朱友恭
之徒蔣元暉張廷範之輩罪無毫髮皆被誅夷王重師
覆族于前劉知俊脫身于後如斯統馭何以扶持稍成
瓜李之嫌便中讒邪之口且鎮定兩地聖唐重藩皆世
嗣山河代分旌鉞各以生靈是念封壤求安旣拜表以
稱臣又竭財而入貢而逆溫不察忠瘁潛肆窺圖詐稱
應援之師盜取深冀兩郡見利忘義一至于斯欲令天
下歸心乃至舟中敵國昨鎮定大王特差人數徑告弊
藩予遂統師徒躬來應援逆溫已令其將王景仁等七
入萬眾屯據柏鄉日令步騎攻圍其城終不出關遂令
引退卽便前來旣落穀中須施毒手東西掩擊勢若山
摧擒戰將二百餘員奪鐵騎五千餘匹橫屍滿野皆龍
驤神捷之徒弃甲如山悉長劍銀鎗之類程思權縷陳
表本張濤亦備述事機然董卓之臍何煩再舉斬桓元

之首正在此時近又岐下淮南皆通間使咸期春首同起義師計柏鄉之勝捷遠聞在兩地之戈鋌轉急天時人事昭然可知伏以公嶽嶺名家聖唐勳族因逢國難偶在賊庭當華夷無事之時滿朝朱紫倘社稷中興之後足顯勳名子曾高自憲宗朝赴闕以來世荷恩寵敢因此際誓復聖唐必不與錫山田夫同戴天而履地子幕賓王緘僕射九月中鳳翔使迴劉知俊令公因遺書示兼傳密意具述足下相與之分最異他人兼憑附達緇書尋令通送又累得潞州相公家兄文字及招得魏博子將聞得逆溫于公君臣之分已有猜嫌曾于故鎮着人密欲窺算皆言紀綱不少謀害稍難頗得事機極不虛謬且公彭門侍中之後鴻勳茂業播在史書豈忍屈節賊庭點汗盛族轉禍爲福去就奚安箕子去殷項伯歸漢棄骨肉猶稱先智全富貴固是良圖今三鎮嚴師已及城下敢假丹抱仰達英聰倘蒙俯賜忠言見機知變叶同討逆興復聖唐則身與金石齊堅名與天地同固蓋以久欽重德是敢先貢直言如明鑒未迴丹誠尚阻則長濠巨塹築室返耕使飛走以無門固展覲而日以功加同中書門下平章事進封琅瑯郡王

五代史開平二

年六月授邢州保義軍節度使檢校司徒三年加檢校
太保充潞州東北面行營招討使乾化元年正月王景
仁與晉人戰于柏鄉王師敗績河朔大震景仁與眾
敵騎所追檀嚴設備應接敗軍助以資裝獲濟者甚眾
俄而晉軍大至重圍四合土地穴晝夜攻擊太祖憂
之檀密上表請駕勿親征而悉力枝梧竟全城壘三月
以功就加檢校太傅同平章事七月又加開府儀同三
司檢校太尉進封瑯琊郡王命宣徽使趙殷衡賫詔慰
諭賜絹千匹銀千兩友珪立徙鎮宣化五代史庶人友珪僭位授鄧州
賞守禦邢州之功也
宣化軍節度使檢校太師五年蔡州刺史王
校太尉兼侍中
貞明元年又徙匡國五代史末帝卽
國軍節度使檢校太師五年蔡州刺史王
彦溫作亂檀受詔討平之加兼中書令
是時莊宗取
魏博檀以謂晉兵悉在河北乃以奇兵西出陰地襲太
原不克而還
五代史貞明元年三月魏博軍亂六月晉
王入魏州分兵收下屬郡河北大擾檀受
詔與開封尹劉鄩犄角進師以援河北檀攻澶州魏縣
下之擒賊將李巖王開關以獻頃之檀密疏請以奇兵

西趣河中自陰地關襲取晉陽未帝許之卽驅兵而去
二年二月師至晉陽晝夜急攻其壘并州幾陷旣而蕃
將石家才自潞州以援徙鎮天平檀嘗招納亡盜居帳
兵至檀引軍大掠而還

下帳下兵亂入殺檀年五十八贈太師謚曰忠毅

五代史尋

授天平軍副大使知節度使事充鄆齊曹等州觀察等
使先是檀招誘羣盜選其勁悍者寘于帳下以爲爪牙
至是數輩竊發突入府第檀素不爲備遂爲所害時年
五十一節度副使裴彥聞變率府兵盡擒諸賊州城帖
然尋冊贈太師謚曰忠毅葬于開封
縣之臯門原有子六人皆升朝列

馬嗣勳濠州鍾離人也少事州爲客將爲人材武有辯

梁太祖攻濠州刺史張遂遣嗣勳持牌印降梁楊行密

攻遂遂又使嗣勳乞兵于太祖梁兵未至濠州已沒嗣

勳無所歸乃畱事梁太祖以爲宣武軍元從押衙

五代史馬

嗣勳濠州鍾離縣人世爲軍吏嗣勳有口辯習武藝初爲州客將唐景福元年三月太祖以壽州刺史江儒反下蔡鎮使李立率兵攻濠梁刺史張遂俾嗣勳持州印籍戶口以歸于太祖乾寧二年三月楊行密復攻濠州張遂遣嗣勳求援于太祖俄而郡陷嗣勳無所歸卽署爲元從押牙副典客頗稱任使太祖西攻

鳳翔行至華州遣嗣勳入說韓建建卽時出降

五代史光化元

年三月太祖令往光州說刺史劉存背淮賊以向國又從李彥威復黃州及武昌縣獲刺史瞿章俄復使先州持幣馬以賜劉存會淮賊急攻光州存與嗣勳率兵大戰敗而走之又遣使于蜀及歸得其助軍資實甚多天復中太祖迎昭宗于岐下軍至華之西

天祐二年羅紹

威將誅牙軍乞兵于梁梁女嫁魏適死太祖乃遣嗣勳以長直千人爲綵輿入魏致兵器于輿中聲言助葬嗣勳館銅臺夜與魏新鄉鎮兵攻石柱門入迎紹威家屬

衛之乃益取魏甲兵攻牙軍牙軍不知兵所從來莫能
爲備殺其八千餘人遲明皆盡嗣勳中重創卒太祖卽
位贈太保五代史及羅紹威將殺牙軍遣使告于太祖求爲外援時安陽公主初卒于魏太祖乃遣

嗣勳率長直官千人實兵仗于橐中肩舁以入于魏聲
言來致祭會葬牙軍不之覺天祐三年正月十六日夜
嗣勳與紹威親軍同攻牙軍至曙盡殲之

嗣勳重傷旬日而卒開平中累贈太保

王虔裕瑯琊臨沂人也爲人健勇善騎射以弋獵爲生

少從諸葛爽起青棣間其後爽爲汝州防禦使率兵北

擊沙陀還入長安攻黃巢爽兵敗降巢巢以爽爲河陽

節度使中和三年孫儒陷河陽虔裕隨爽奔于梁五代史王

虔裕瑯琊臨沂人也家于楚邱少有膽勇多力善射以
弋獵爲事唐乾符中諸葛爽聚徒于青棣間攻剽郡縣

虔裕依其眾及爽歸順乃以是時太祖新就鎮黃巢秦

虔裕及其眾隸于宣武軍

宗權等兵方盛太祖數爲所窘而梁未有佗將乃以虔

裕將騎兵嘗爲先鋒擊巢陳蔡間拔其數柵巢走梁兵

躡之戰于萬勝戍巢敗而東虔裕功爲多乃表虔裕義

州刺史

五代史太祖鎮汴四郊多事始議選將征討首以虔裕綰騎兵恒爲先鋒及太祖擊巢蔡于陳

州虔裕連拔數寨擒獲萬計巢孽旣遁虔裕躡其迹追至萬勝戍賊眾飢乏短兵纔接而潰太祖以其勞表授

義州黃巢已去秦宗權攻許鄭與梁爲敵境大小百餘

戰虔裕常有功

五代史蔡人曰縱侵掠陳鄭許毫之郊頻年大戰虔裕掩襲攻拒凡百餘陣剿

戮生擒不知紀極

秦賢攻汴南境太祖遣虔裕拒賢于尉氏戰

敗失一裨將太祖怒拘虔裕于軍中

五代史秦宗賢寇汴南鄆太祖令虔

裕逆擊于尉氏不利而還太祖怒命削職拘于別部邢州孟遷降梁爲晉人所圍

太祖遣虔裕以精兵百人疾馳夜破晉圍入邢州遲明

立梁旗幟于城上晉人以爲救兵至乃退五代史踰年

降未幾晉人伐邢孟遷遣使來乞師太祖先遣虔裕選

勇士百餘人徑往赴之伺夜突入邢州明日循堞樹立

旗幟晉人不測乃退五代史纂誤今按孟遷傳云梁

太祖遣虔裕將騎兵三百助遷守二者不同未知孰是

已而晉兵復來遷執虔裕降于晉見殺五代史數月復

大軍方討兗郛未及救援邢人困而攜貳遷乃繫虔裕

送于太原尋爲所害通鑑考異唐末見聞錄龍紀元

年大軍守破邢州城孟遷投來拜李存孝邢州刺史十

一月四日孟遷補充教練使太祖紀年錄及薛居正五

代史皆曰大順元年李存孝攻邢州急邢帥孟遷以邢

洛磁三州歸于我執朱溫之將王虔裕等三百人以獻

而無月太祖紀年錄又曰太祖徙孟遷于太原以大將

安金俊爲邢洛團練使薛史孟遷傳曰大順元年二月

遷執王虔裕等乞降武皇令安金俊代之今從實錄薛
史虔裕傳曰時太祖大軍方討兗鄆未及救援邢人困
而攜貳遷乃繫虔裕送於太原尋爲所殺按是
時全忠方攻時溥未討兗鄆也王虔裕傳誤

謝彥章許州人也幼事葛從周從周憐其敏慧養以爲
子授之兵法從周以千錢置大盤中爲行陣偏伍之狀
示以出入進退之節彥章盡得之及壯事梁太祖爲騎
將五代史謝彥章許州人幼事從周爲養父從周憐其
敏慧教以兵法常以千錢于大盤中布其行陣偏伍
之狀示以出入進退之節彥章盡得其訣及壯事太祖爲騎將是時賀瓌善用步卒而

彥章與孟審澄侯溫裕皆善將騎兵審澄溫裕所將不
過三千彥章多而益辦彥章事末帝累遷匡國軍節度

使

五代史末帝嗣位用爲兩京馬軍都軍使累與晉軍
接戰有功尋領河陽節度使及從周卒臨喪行服躬

預葬事時人義之彥章後

貞明四年晉攻河北賀瓌爲

北面招討使彥章爲排陣使屯于行臺彥章爲將好禮

儒士雖居軍中常儒服或臨敵御衆肅然有將率之威

左右馳驟疾若風雨晉人望其行陣齊整相謂曰謝彥

章必在此也其名重敵中如此

五代史貞明四年冬滑州節度使賀瓌爲北面

招討使彥章爲排陣使同領大軍駐于行臺寨與晉人

對壘彥章時領騎軍與之挑戰晉人或望我軍行陣整

肅則相謂曰必兩京太傅在此也瓌心忌之彥章與瓌

行視郊外瓌指一地語彥章曰此地岡阜隆起其中坦

然營柵之地也已而晉兵柵之瓌疑彥章陰以告晉益

惡之彥章故與馬步都虞候朱珪有隙瓌欲速戰彥章

請持重以老敵珪乃誣彥章以爲將反瓌旦享士使珪

伏甲殺之審澄溫裕皆見害

五代史是時威謂賀瓌能將步軍彥章能領騎士既

名聲相軋故瓌心忌之一日與瓌同設伏于郊外瓌指一方地謂彥章曰此地岡阜隆起中央坦夷好列柵之所尋而晉人舍之故瓌疑彥章與晉人通又瓌欲速戰彥章欲持重以老敵瓌疑益疑之會爲行營馬步都虞侯朱珪所誣瓌遂與珪協謀因享士伏甲以殺彥章及濮州刺史孟審澄別將侯溫裕等于軍以謀叛聞晉王聞之喜曰彼將帥如是亡無日矣審澄溫裕亦善將騎軍然所領不過三千騎多而益辦唯彥章有焉將畧之外好優禮儒士與晉人對壘于河上恒褒衣博帶動皆有禮或臨敵御衆則肅然有上將之威每敦陣整旅左旋右抽雖風馳雨驟亦無以喻其迅捷也故當時騎士咸樂爲用及其遇害朝廷命宣和庫副使郝昌遇往許州節度使謝彥章遇害朝廷命宣和庫副使郝昌遇往許昌籍其家財別開一室見彥章真像之左目下鮮血在焉竟不知自何而有衆共異之彥章性嗜鯿鎮河陽命漁者采以供膳無虛日焉不獲則必加重罰有漁人居于

城東其日未曙將往取之未至一二里遇一人問其所適以實對此人曰子今日能且輟否漁人曰否則獲罪矣又曰子若不臨網罟則贈子以五千錢可乎漁人許之遂五千肩荷而歸比及曉唯訝其輕顧之其錢皆紙矣五代史趙克裕河陽人也祖父皆奇待之累居右職擢爲爲牙將好讀書謹儀範牧伯皆奇待之累居右職擢爲虎牢關使光啓中蔡冠陷河陽克裕率所部歸于太祖隸于宣義軍太祖東征徐鄆克裕屢受指顧無不如意數年之內繼領毫鄭二州刺史時關東藩鎮方爲蔡冠所毒黎元流散不能相保克裕妙有農戰之備復善于綏懷民賴而獲安者衆太祖表爲河陽節度使檢校右僕射尋移理許田入爲金吾衛大將軍檢校司空及太祖爲元帥以克裕爲元帥府左都押衙復統六軍充州平命權知泰寧軍畱後數月暴疾而卒開平初追贈太保又張愼思清河人自黃巢軍來歸累授軍職歷諸軍都指揮使從平巢蔡兗鄆皆著功表授檢校工部尚書兼宋州長史光化中加檢校右僕射權知亳州天復三年昭宗還長安以從太祖迎駕功賜號迎鑾毅勇功臣尋除汝州防禦使天祐元年授左龍武統軍其冬除許州匡國軍節度使明年十一月權知徐州武寧軍兩

使留後太祖受禪入爲左金吾大將軍開平二年除宋
州刺史未幾復拜左金吾大將軍三年冬除蔡州刺史
以貪貨大失民情詔追赴闕未幾扈從北征還以疾臥
洛陽之私第馭家不肅爲其子所弑又鄧季筠宋州
下邑人也少入黃巢軍隸于太祖麾下及太祖鎮汴首
署爲牙將主騎軍伐鄆之役生擒排陣將劉燾以獻大
順初唐帝命丞相張濬伐太原太祖奉詔出師西至高
平與晉人接戰軍旣不利季筠爲晉人所擒克用見之
甚喜釋縛待以賓禮俄典戎事季筠在并門凡四稔景
福二年晉軍攻邢臺季筠領偏師預其役將及邢邢人
陣于郊兩軍酣戰之際季筠出陣飛馬來歸太祖大加
獎歎賞資甚厚時初置廳子都最爲親軍命季筠主之
旋改統親騎又遷將中軍天祐三年奏授登州刺史下
車稱理登州舊無羅城及季筠至郡率丁壯以築之民
甚安之因相與立碑以頌其績太祖受禪改鄭州刺史
尋主兵于河中爲都指揮使時并人寇平陽季筠接戰
于洪洞大克拜華州防禦使又繼領龍驤等諸軍騎士
累官至檢校司空柏鄉之役季筠臨陣前却太祖亦未
之罪乾化二年春太祖親伐鎮定駐于相州因閱馬怒
其馬瘦與魏博軍校何令稠陳令勳同斬于纛下又

范居實絳州翼縣人。事太祖。初爲隊將。從討巢蔡。有功。又從朱珍收滑州。改左廂都虞候。預破兗鄆。功遷感義都頭。鄭州馬軍指揮使。幽州劉仁恭舉衆南下。寇魏郡。北閭居實與葛從周張存敬率兵救魏。大破幽滄之衆。于內黃。太祖迎昭宗于岐下。以居實爲河中馬軍都指揮使。及昭宗還京。賜迎鑾。毅勇功臣遙領錦州刺史。又遷左龍驤馬軍都指揮使。從征淮南。迴改登州刺史。轉左神勇軍使。開平元年。用軍于潞州。命居實統軍以解澤州之圍。授耀州刺史。令以郡兵屯固鎮。尋除澤州刺史。居實拳勇善戰。頗立軍功。在郡以戎備不理。詔追赴闕。暴其獸寇之罪而斬之。又高劭字子將。淮南節度使駢之從子也。父泰黔中觀察使。唐僖宗避敵在蜀。駢鎮淮南。爲都統兼諸道鹽鐵使。兵賦在已。朝廷優假之。以故劭幸而早官。年十四遙領華州刺史。光啓中以駢命遏晉公王鐸于鄭。俄而州陷于蔡。劭爲賊所得。使人守之。戒四門曰。無出。高大夫劭伺守者稍情。佯爲乞食者。過危垣取殍者。衣空身。易服得侘兒抱之行。出東郊。門人以爲丐者。不之止。及稍遠。棄所抱兒。疾趨至中牟。遂達于汴。太祖以客禮遇之。尋表爲亳州團練副使。知州事。又數年。辟爲宣武軍節度判官。在幕下頗以氣直。

自許後監鄭州事復權知徐州畱後唐昭宗之鳳翔太祖迎奉未出劭有疑謀遂令赴華州詣丞相府以議其雄武初在黃巢黨中推爲剛鷲唐中和四年五月同尚讓李讜等率眾至繁臺與太祖之軍相拒及巢寇漸衰乃率眾來降太祖素識之拔用不次署爲先鋒步軍都頭與胡眞援河陽逼懷州重允以部下兵突之射中蕃將安休休又令與李讜率騎軍至陝應接郭言迴次澠池破賊帥黃花子之眾改滑州夾馬指揮使蔡賊圍汴重允以步兵攻下三寨擄獲甚眾太祖大舉伐宗權俾重允以滑兵爲先鋒及東討徐州下豐蕭二邑轉右廂馬步軍指揮使大順元年秋從彬王友裕收澤州與晉軍戰于馬牢川王師敗績迴守河陽太祖謂諸將曰李讜重允違我節度不能立功頗辜任使于是與李讜并戮于河橋

五代史記卷第二十三